

شبهات حول الحضارة الإسلامية | مناقشة كتاب: فضل الإسلام

على الحضارة الغربية ج 1

محمد شاهين التابع

بسم الله الرحمن الرحيم السلام عليكم ورحمة الله وبركاته. معكم محمد شاهين التابع من قناة الدعوة الإسلامية على اليوتيوب. وباذن الله عز وجل هنا نقاش ملخص كتاب فضل الإسلام على الحضارة الغربيةتأليف المستشرق ويليام مونت جمري وات - 00:00:00
مؤلف الكتاب مستشرق بريطاني عمل استاذًا للغة العربية والدراسات الإسلامية والتاريخ الإسلامي في جامعات اسكتلندا. عنوان الكتاب الأصلي انفلونزا اوف اسلام اون ميد ايفل يورو. الترجمة الحرافية للعنوان غير العنوان اللي محظوظ على الغلاف. اللي على الغلاف فضل الإسلام على الحضارة الغربية - 00:00:20

جمل حرفيا للعنوان الأصلي تأثير الإسلام على أوروبا في العصور الوسطى. الكتاب منشور عام الف تسعيني اتنين وسبعين وكان عبارة عن مجموعة محاضرات القها قلت لك ويليام من جمري وات في عام الف تسعيني وسبعين. المترجم هو حسين احمد امين. والترجمة العربية من اصدارات دار الشروق عام الف تسعيني ثلاثة - 00:00:40
وتمانين. والكتاب حجمه صغير جدا مية ثلاثة وتلاتهين صفحة. الكتاب مكون من ست فصول. المسلمين في أوروبا التجارة والتكنولوجيا انجازات عرب في ميادين العلم والفلسفة استعادة المسيحيين لاسبانيا والحروب الصليبية العلوم والفلسفة في أوروبا والاسلام والوعي الاوروبي. نقدر نقول ان - 00:01:00

ملخص الكتاب عبارة عن عندما التقى المسلمين بأوروبا. والمؤلف بيقول ان الكلام ده حصل في تلات نقاط رئيسية. عندما دخل المسلمين الصقلية وعندما دخل المسلمين اسبانيا الاندلس ثم في الحروب الصليبية. لما حصل هذا الالتفاء ما بين الحضارتين - 00:01:20

البار دول. الحضارة الإسلامية والغرب الأوروبي. ايه اللي حصل للغرب؟ وازاي الغرب اتأثر بالحضارة الإسلامية؟ في الفصل الاول المسلمين في أوروبا تحت عنوان الهدف. بيقول هذا العرض من وجهة نظر باحث للإسلاميات لا من وجهة نظر مؤرخ ل الأوروبي - 00:01:40

في العصر الوسيط. والمؤلف يتحدث كهاوي غير متخصص في التاريخ الأوروبي. النقطة دي مهمة جدا لانه بالرغم ان المؤلف باحث في الإسلاميات والعلوم الإسلامية الا انه اورد اخطاء كثيرة جدا شنيعة جدا عن الإسلام. حتى في مسائل تعتبر من الاصول - 00:02:00

هو المفروض بيعرض التصور الإسلامي وتصوره في غاية الشناعة وال بشاعة. بالرغم من انه المفروض بيدعى انه في هذا كتاب بيحاول يصلح وجهة النظر المشوهة الخاطئة جدا عن الإسلام في الغرب. يعني هو مدرك تماما ان الغرب عنده تصور - 00:02:20
مشوه جدا للإسلام. مبني على خرافات واساطير. وان هذا التصور خاطئ لا يمت للإسلام بصلة. فهو المفروض بقى بيعلمنا الصح اللي هو بيعلمه عن الإسلام ايضا فيه مصايب كبيرة جدا. لكنها اخف بكثير جدا من التصور المشوه - 00:02:40

اللي موجود في الغرب. وهو هيكل عن الموضوع ده بالتفصيل. لكن انا بس حابب انبه على الناس ان هذا الكتاب غير مناسب للشخص المبتدئ. بحيث في انه يأخذ هذا الكتاب كمراجع وكمصدر وان كل محتوى الكتاب يعتبر صحيح. اهمية هذا الكتاب ان المؤلف بيعبر عن - 00:03:00

اوروبا اصالة وبالتالي لما هو يتكلم عن اوروبا هو ادرى بشؤونها. وبناخذ شهادته وشهاد شاهد من اهلهما. اما لما يتكلم عن الاسلام فمش بالضرورة كلماه يكون صح. هو في الاول والآخر مش مسلم. هو مستشرق يعني عالم غربي يريد دراسة - 00:03:20

علوم الشرط ومن اهم علوم الشرق الاسلام والتاريخ الاسلامي والحضارة الاسلامية. ممكناً جداً يحاول يفهم الاسلام ويغلط بغض النظر بقى هو تعمد تشويه الاسلام ولا هو بالفعل غصب عنه غلط وهو بيقرأ عن اسلام فهم غلط - 00:03:40

مش دي القضية. لكن تأخذ بالك انه غلط كتير لما جه يتكلم عن الاسلام. والحضارة الاسلامية والتاريخ الاسلامي. رغم كل الايجابيات اللي هو قالها. هو بيقول ايه؟ المسلمين ممثلين حضارة ذات انجازات عظيمة. تدين لها بالفضل رقعة كبيرة من سطح الارض - 00:03:59

ارض ثم فاضت ثمار هذه الانجازات على رقعة ارض مجاورة. هو ده تصوره عن الموضوع. الاسلام حضارة عظيمة تدين لها بالفضل رقعة كبيرة من سطح الارض وفي بقى رقعة ارض مجاورة اللي هي اوروبا. هو بيصف ان الحضارة الاسلامية ثمارها فاضت على اوروبا - 00:04:19

وصف رائع جداً. بيقول ان الكتاب المسيحيين في العصر الوسيط اللي هو العصور الوسطى خلقوا صورة للإسلام شائعة من وجوه عديدة اوروبية يأبون في عناد الاقرار بفضل الاسلام الحضاري عليهم. ويميلون الى التهويين من قدر واهمية التأثير الاسلامي - 00:04:43

بالتراث الاوروبي. بل يتوجهون هذا التأثير احياناً تجاهلاً تاماً. وانكار او اخفاء هذا يدل على كبراء زائد تحت عنوان غزو المسلمين لاسبانيا. بيقول جل التأثير الحضاري الاسلامي في اوروبا جاء عقب استيلاء المسلمين على اسبانيا - 00:05:03

الصقلية. لو جينا فتحنا الخريطة المنطقه دي كلها اسمها حوض البحر الابيض المتوسط. ففي هنا عندك جزيرة العرب. وبعدين تحتاني الاسلامية فضلت تتمتد. الفتح الاسلامي لمصر وبعدين امتدت لغاية اخر افريقيا لغاية المغرب. وبعدين - 00:05:23

فضلت تمشي في فلسطين وسوريا والعراق وهكذا. فين صقلية؟ دايماً بيقولوا ان ايطاليا شبه البوت في الخريطة. هذه الجزيرة التي تعتبر قريبة جداً من تونس. هي دي الصقلية. الجزيرة الكبيرة دي. وبالتالي في عندك ليبيا تبعي الناحية الثانية - 00:05:43

بقى فيه صقلية واقرب نقطة هي من خلال تونس تبعي البحر تلاقي صقلية. فالمسلمون استولوا على صقلية. طب فين بقى اسبانيا الاندال ادي عندك سببين منطقة كبيرة جداً. فيه عندك هنا الجزائر تبعي تردد اسبانيا. وفيه عندك المغرب تبعي تردد اسبانيا - 00:06:03

واقرب نقطة عند مضيق جبل طارق تبعي في اسبانيا. فهو المؤلف بيقول ان لما المسلمين استولوا على اسبانيا وصقلية بقوا خلاصهم في الاراضي الاوروبية خدوا اجزاء من اوروبا بقت تحت الحكم الاسلامي. وقتها ده كان اكبر تأثير للحضارة الاسلامية على اوروبا. فهو - 00:06:23

تقول في حوالي عام سبعينية وخمسينيات ميلادية كان المسلمين قد احتلوا ده وصفه هو. كافة المدن الاسبانية الهامة. وبيقول استقرت الامور في اسبانيا في ظل حكم العرب وسادها السلام معظم الوقت. النقطة دي لها دلالة عظيمة جداً فيما يخص طبيعة الفتوحات الاسلامية - 00:06:47

واحنا كنا عملنا فيديوهين اتكلمنا فيهم بالتفصيل عن دخول الاسلام لمصر ودخول الاسلام بلاد الشام واذاي اهل هذه البلاد تقبلت الفتوحات الاسلامية. وهو هيشير الى بعض النقاط المتعلقة بهذا الموضوع. المقصود هو ان لما المسلمين دخلوا هذه الاراضي - 00:07:07

ما كانواش بيعاملوا معاملة المحتل. وما كانواش بيبقى فيه مقاومة شعبية دائمة ضد الحكم الاسلامي. والدليل على كده ان الامور قارة في اسبانيا في ظل حكم العرب. وخليل بالك برضو هو في طول هذا الكتاب بيفضل يقول العرب العرب العرب. بالرغم - 00:07:27

من ان بعض الفتوحات الاسلامية الواسعة جداً الامبراطورية الاسلامية او الحضارة الاسلامية ما كانتش مكونة فقط من العرب لما

ال المسلمين دخلوا مصر ما كانوش عرب. لما المسلمين دخلوا بلاد الشام سوريا والعراق والاماكن دي ما كانوش عرب - 00:07:47
اهل هذه البلاد دخلوا الاسلام. وبعدين لما تكمل بقى في شمال افريقيا. الناس دي ما كانوش عرب. اية طبعا المكون العربي جزء اصيل جدا من المكون الاسلامي. لكن المقصود ان الموضوع اكبر واسع من انك تخلي الموضوع غرب - 00:08:07
 ضد عرب الموضوع اكبر من كده بكتير. هي ليست قومية عربية بالنسبة للمسلمين هي هوية اسلامية. والمكون العربي فيها جزء رئيسي واساسي وهام جدا. هو بيقول هنا الخلاف بين المسلمين كان عامل مساعد على تقدم المسيحيين وزحفهم. الكلام ده - 00:08:27

احمر سببي ضد المسلمين. لكن الكلام ده حقيقة. فخلي بالك مش كل حاجة انا كاتبها بالاحمر معناها انها كذب على المسلمين. هي ايه يا اما كذب يا اما نقطة سلبية في حقنا لازم ناخذ بالنا منها. وانا هنبه في كل مرة. هذا الخلاف بين المسلمين - 00:08:49
 كان عنصر متواجد باستمرار طول الحكم الاسلامي للاندلس. وزي ما بيقول هو اللي ادى في النهاية الى خسارة في المسلمين للاندلس. وفي ملحم في غاية الالهة سبحان الله العظيم. واتكلم عنه الكثير من العلماء خصوصا الدكتور راغب السرجاني ربنا يحفظه ويبارك فيه - 00:09:09

مين حكموا الصقلية جزء من ايطاليا؟ والمسلمين حكموا الاندلس. اسبانيا كلها تقريبا. حكموها مدة زمنية طويلة. وفي في الآخر المسلمين خسروا اسبانيا. وخسروا صقلية. لسبب ما المسلمين ما عادوش بيعتبروا ان هذه الاراضي - 00:09:29
 ترجع للمسلمين والدكتور راغب السرجاني بيقارن ده بفلسطين. لما حصل فتح الاسلامي لبيت المقدس. فضل بيت المقدس وفلسطين تحت الحكم الاسلامي قرون قرون طويلة جدا وبعدين حصلت الحملات الصليبية وخدوا مننا بيت المقدس وبعدين جه صلاح الدين - 00:09:49

واسترد بيت المقدس وبعدين حصلت حروب تانية وخدوا مننا بيت المقدس. وبعدين خدنا منهم بيت المقدس تاني طولا باه الى قيام الكيان الصهيوني. يمكن مسلمين مرتبطين بفلسطين بشكل اكبر بكتير. من ارتباطهم باسبانيا وصقلية - 00:10:09
 المسجد الاقصى. وان هذه اراضي مقدسة مذكورة في القرآن. وان هذه الاراضي المقدسة اورثها الله عز وجل للمسلمين. لكن ما بيعتبروش اسبانيا كمان اراضي ربنا اورثها للمسلمين. وبعدين احنا فقدنا هذه الاراضي. هل يجب علينا استعادتها مرة اخرى؟ طبعا مع الاخذ في - 00:10:29

كبار ان الاسلام مختلف تماما عن تصور الغزو والاحتلال. رغم ان ويليام مون جمري وات مؤلف الكتاب بيستخدم الاسلوب ده في حق المسلمين. ان دول غزاة محتلين بيحاولوا يوسعوا الاراضي اللي بيمتلكوها. والامر - 00:10:49
 ده غير صحيح. ده مش التصور الاسلامي. التصور الاسلامي ان الارض لله وان كل العالم يجب ان يدين لا بدين الاسلام. تخيل كده معي لو كان النبي محمد صلى الله عليه وسلم لما بعث الرسائل الى كبار الملوك اللي من ضمهم - 00:11:09
 ام الامبراطور هرقل عزيز الروم. تخيل لو هرقل كان دخل في الاسلام. وكل اتباعه على هذه الاراضي دخلوا الاسلام كان ده هيبقى غزو اسلامي؟ هي المسألة متعلقة بالديانة والعقيدة اولا. وانتمائك لهذه الديانة بتوحدك مع - 00:11:29

المسلمين على وجه الارض. ايا كانوا في هذه الدنيا. فالمسلمين كانوا بيفتحوا البلاد اللي كانت بتمنع وصول الدعوة الاسلامية لاهلها. واللي كانوا بالفعل بينكلوا باهلهما. وبيعذبوا اهلهما وبيظلموها. علشان كده شعوب هذه الاراضي قبل - 00:11:49
 الفتوحات الاسلامية. وكانت سعيدة جدا بها. هنا في ملحم بسيط جدا تحت عنوان العرب في صقلية وايطاليا. بيقول البابا يوحنا ثامن ظل مدة عامين يدفع الجزية للمسلمين. تخيل! هنا بقى في الجزء ده تحت عنوان الدوافع وراء التوسع - 00:12:09
 العربي بيقول ايه بقى؟ في كلام سببي كثير جدا خاطئ وكذب في حق الاسلام والمسلمين في هذا الفصل. بيقول الغزو كان استمرا طبيعيا لنشاط عرفوه منذ حياة محمد النبي صلى الله عليه وسلم - 00:12:29

هو طبعا هنا بيقروا التاريخ بالمقلوب. هو مش قادر يشوف بداية التاريخ الاسلامي. لما بعث النبي محمد صلى الله عليه وسلم في مكة. وقعد تلتasher سنة في دعوى سلمية ليس فيها اي قتال وليس فيها اي حرب وليس فيها اي غزو. وبعدين المسلمين كانوا هم اللي -

دائما تحت وطأة الحرب والسيف والتعذيب والنkal. لازم تشووف التاريخ بالطريقة دي. ان المسلمين في الاساس دعوتهم سلمية. وانا لسة ضارب المثل احنا بعثنا رسائل لكتاب الملوك في العالم. تخيل لو كانوا سمحوا بالدعوة الاسلامية - 00:13:04 من غير اي حرب ولا قتال. كان ايه اللي حصل في الدنيا كلها؟ المسلمين لم يدخلوا اي بلدان في حرب او غزو الا بسبب رفض ملوكها وحكامها للدعوة الاسلامية. اصل خلي بالك المسألة خطيرة جدا جدا. انت بتتكلم - 00:13:24 عن حق وباطل. انت بتتكلم عن ايصال دين الله عز وجل لكل انسان على وجه الارض مين من حقه ايا كان مركزه في الدنيا انه يمنع وصول كلمة الحق للناس. انه يمنع وصول - 00:13:44

الصحيحة في الله عز وجل للناس. مين؟ طبوليكن ان ملك رافض الاسلام رعيتك اللي تحت منك زنهم ايه الموضوع كبير جدا ومن الخطأ البشع انك تخلي الموضوع لأده كان مجرد قبلية ان محمد هذا كانه كان - 00:14:02 ملكا على العرب والعرب تحالفوا معه وعمل امبراطورية للعرب وبدأ يوسع في اراضيه. هذا من ابطل باطل. هنا بيقول الجهاد له مفهوم لصيق بالقتال ضد الكفار. بحيث تترجم في اللغات غير العربية الى ما يعني الحرب المقدسة. طبعا دي - 00:14:22 من ضمن مفاهيم الجهاد قتال الكفار. الكفار الذين يصدون عن سبيل الله وبيغونها عوجا. مش لمجرد انهم كفار وخلاص. طبعا هو يعني ما بيدخلش في التفاصيل. اقل ما يقال. بيأكدي ويبيقول ان هناك فارق بين المفهوم الاسلامي للجهاد وبين - 00:14:42 المسيحي للحرب المقدسة. ده رائع جدا. هذه اللفتة رائعة. لأن هو عارف كوييس اوي الحرب المقدسة اللي شنتها تحية على بلاد المسلمين عملت ايه في المسلمين؟ وهذا لم يحدث ابدا على الاطلاق من قبل المسلمين. لما - 00:15:02 عاهدوا في سبيل الله من اجل فتح البلاد على الاسلام. السيناريyo بقى اللي هو بيرسمه هنا في غاية الخطأ. اذا نتم في النبي صلى الله عليه وسلم وعظمت سلطته وتطلعت قبائل كثيرة وجماعات اصغر الى التحالف معه اشتترط على - 00:15:22 اعتناق الاسلام والشهادة بأنهنبي مرسل. فين السيناريyo ده؟ الواقع ان النبي صلى الله عليه وسلم كان مستضعف. والكل لتحالف ضده ومع ذلك ربنا كان بينصره. هو بيحاول يصور ان المسألة في الاول والآخر كانت فرض سلطة وقوة - 00:15:42 وده من ابطل باطل. وان اللي دخله في الاسلام من قبائل العرب لم يدخلوا الا بسبب انهم خايفين من قوة النبي صلى الله عليه وسلم. طب امتنى انت ليه بتشوف الصورة في جزيرة العرب من اخرها؟ لما بالفعل ربنا نصر النبي محمد صلى الله عليه وسلم على كل اعدائه اللي كان - 00:16:02

بيحاربوه منز البداية وتحالفوا ضده بكل وسيلة. وفي الامر تحقق وعد الله عز وجل هو الذي ارسل رسوله هدى ودين الحق ليظهره على الدين كله. وكفى بالله شهيدا. دي من علامات صدق نبوة سيدنا محمد صلى الله عليه وسلم. لكن - 00:16:22 القبائل دي كانت فين لما النبي محمد صلى الله عليه وسلم كان بيبحث عن من يأويه من ظلم كفار قريش هو واصحابه هنا بيقول طالما كان النصر حليف المسلمين ادت ممارسة الجهاد الى نمو مستمر للتحالف الاسلامي والى توسيع اقليمي دائم. انت مش قادر تفهم - 00:16:42

ان دي من علامات نصرة الله عز وجل للنبي محمد صلى الله عليه وسلم. فده دليل انهنبي من عند الله عز وجل ان كل العالم تحالف ضده وكل العالم حاربته. ومع ذلك لم ينتصر عليه احد. ولم يستطع ان يقضي عليه احد. طب - 00:17:02 طبعا في السياق ان النبي محمد صلى الله عليه وسلم بشر اصلا بالفتحات الاسلامية. يعني النبي صلى الله عليه وسلم مات قبل ما المسلمين يدخلوا مصر وقبل ما المسلمين يدخلوا بلاد الشام وقبل ما المسلمين يحاربوا فارس وينتصروا عليهم وهكذا. بيقول القبائل وتنية خيروا - 00:17:22

بين الاسلام والسيف. طبعا التصور ده فيه حق وفيه باطل. او زي ما بيقولوا حق اراد به باطل. هو عاوز يقول ان فيه فرق ما بين كفار العرب واليهود والنصارى. ايه الفرق؟ ان القبائل العربية اللي النبي محمد صلى الله عليه وسلم - 00:17:42 بعث منهم وفيهم المفروض انهم اقدر الناس على معرفة ان القرآن الكريم كلام الله وان بالفعل النبي محمد صلى الله عليه وسلم

رسول من عند الله عز وجل. لكنهم كفروا ورفضوا وعانوا - 00:18:02

تدوم. فلم يقبل منهم الله عز وجل الا الاسلام او الحرب. اللي الكفار بدواها على النبي. قراءة السنان حسب ترتيبه التاريخي في غاية الالهيمية. هو النبي هو اللي فرض عليهم الاسلام او السيف او النبي كان داعيا في مكة ولم - 00:18:19

ارفع السيف على احد وكفار قريش هم اللي قتلوا وهم اللي حاربوه وهم اللي عذبوا اتباعه واصحابه وربنا لم يفرض القتال على المسلمين وقتها. وكان مطلوب منهم انهم يصبروا ويتحملوا. بيتكلم هنا عن اليهود والنصارى - 00:18:39

بيقول من اعتبرهم الاسلام من الموحدين. لا الله الا الله. الجملة دي معناها باختصار شديد. ان انت بتتكلم مع واحد مش فاهم اصول الاسلام الكبرى. هو مش فاهم التوحيد من بايه. وغير مدرك لحكم الاسلام العظيم والقرآن - 00:18:59

قال الكريم والسنة النبوية الشريفة على اليهود والنصارى والصابئين والمجوس ان دول كفار مشركين. الفكرة هي ان كان كفار قريش كفار العرب دول على جنب بسبب معرفتهم الشديدة جدا باللغة العربية وقدرتهم على انهم - 00:19:19

يعرفوا ان القرآن الكريم كلام الله بمجرد السماع دول لهم حالة خاصة على جنب. وبسبب انهم ابتدأوا الحرب على الاسلام والنبي صلى الله عليه وسلم وهكذا. الباقي دول من اليهود والنصارى اولا اهل الكتاب والصابئين دول لو كانوا اهل كتابهم كمان. والمجوس لو اعتبرنا - 00:19:39

ان اصل دياتهمنبي. هذه الامم الاخرى يقبل منهم ان هم يظلوا على دينهم تحت الحكم الاسلامي في المقابل يدفعوا الجزية. هذا ليس لأنهم موحدين ابدا. ما لوش علاقة. بيقول الغرض من الجهاد هو الاخضاع لحكم الاسلامي - 00:19:59

ان ده غلط. الغرض الاول للجهاد هو ازالة اي عقبات تعيق الدعوة السلمية. وازالة ظلم عن الشعوب وازالة اي قوة عسكرية تمنع من وصول الاسلام للناس. هنا بيذكر بعض الايجابيات المتعلقة بالفتحات - 00:20:19

الاسلامية في يقول اهل الذمة تمنعوا باستقلال ذاتي داخلي. والجزية كانت مبلغ اقل مما يدفع للحكام السابقين. وحماية اهل الذمة واجب مقدس. ويبيقول بشكل عام وضع اهل الذمة لم يكن سينا. بس برضو بيذكر بعض السلبيات. في يقول اهل - 00:20:39

اما حرموا من امور معينة مثل الانخراط في سلك الجند او الزواج من مسلمات فذلك الحرمان من مناصب الدولة العليا. تخيل كده لاما انت تيجي تعدد اكبر سلبيات لحاجة من ود - 00:20:59

نظركم غزو واحتلال. تخيل مثلا مثلا الاحتلال البريطاني لمصر او الاحتلال الفرنسي لمصر عايز اذكر اكبر سلبياتها عشان اطلع الناس دي مجرمة يا ترى هقول ايه حرموا اهل الذمة من انهم يدخلوا الجيش - 00:21:15

ياه! ياه ايه البشاعة دي! شف بقى الضحك حرموا اهل الذمة من الزواج من مسلمات. ايه ده! لا لا دى فظاعة! واخر حاجة حرموا من مناصب بالدولة العليا. ازاي كانوا قادرين يعيشوا وهم محروميين من ان هم ينضموا للجيش او يتزوجوا مسلمات او محروميين من مناصب الدولة العليا - 00:21:35

موضوع باختصار ان دي امور متعلقة بالشريعة الاسلامية. الدولة دي كان بيحكمها نظام ظالم. مانع وصول الدعوة الاسلامية للناس فالمسلمين بيزيلاوا هذا النظام الظالم. وبعدين هيسيبوا الدنيا تمشي سداح مداح. المسلمين عندهم نظام من الله - 00:22:01

كيف ينبغي ان ندير هذه البلاد والعباد من ضمنها ان الحروب لا تكون الا لله لاهداف دينية وعقائدية اصلا حياتنا كلها لله. قل ان صلاتي ونسكي ومحبتي ومماتي لله رب العالمين. لا شريك له - 00:22:21

وبذلك امرت وانا اول المسلمين. فالمسلمين ما بيحاربوا غير لله لاهداف دينية وعقائدية. طب انت مش مؤمن نفس عقيدتنا. ليه حارب لنفس اهدافنا. فلو انت نظرت للنقطة دي حسب التصور الاسلامي هتلاقي ان ده عدل من الاسلام. في مقابل ما كان - 00:22:44

تحدث من ظلم الامم الاخرى ان انا احتل بلدك واحليك تنضم غصب عنك لجيسي واحليك تحارب لاغراضي. وانت ما لكش في الموضوع اي مصلحة. سبحان الله الله! هنا بيقول الذمي كان يشعر بأنه مواطن من الدرجة الثانية. وهذا الشعور كان السبب الرئيسي في اقبال المسيحيين على اعتناق الاسلام. طبعا الكلام ده كلام - 00:23:07

لان ده يعتبر ذم في حق المسيحيين. يا صباح ضعف الايمان. انت علشان خاطر ما بتتنضمش للجيش. او او لا تتزوج مسلمات او لا تحصل على مناصب الدولة العليا او علشان بتدفع جزية هتبיע دينك! ايه ده يعني! هو طبعا - 00:23:32

النقطة الرئيسية في الموضوع ان المسيحيين في العالم كله مش قادرين يستوعبوا ازاي الناس دخلت في دين الله افواجا المسلمين فتحوا مصر. مصر بقت اسلامية. المسلمين دخلوا بلاد الشام. بلاد الشام بقت دولة اسلامية. بقوا بقوا مسلمين - 00:23:52

العراق بلاد فارس ايران شمال افريقيا كل دول دخلوا في دين الله افواجا. ازاي؟ ده مش طبيعي مش طبيعي لان ده متعلق بالاسلام الذي هو دين الله الحق فالناس قبلت الحق ودخلت فيه. لا لا اكيد فيه سبب تاني. ده ضغط اجتماعي. فهم ما قدروش يتحملوا يا عيني الضغط الاجتماعي - 00:24:12

فتركوا دينهم ودخلوا اسلام. يا سلام! اي كلام فاضي. غير عقلاني وغير واقعي. شف بقى هذا الكذب بعض كبار رجال الدولة الاسلامية في اواخر القرن السابع الميلادي وضع حدا لهذا الاقبال الاقبال على الاسلام الذي تسبب في نقصان - 00:24:37

ما يدخل بيت المال من الجزية. والله العظيم ده كذب فج. ليه؟ لان الجزية بكثيره في السنة كان دينارين تقريبا ولا دينار ولا ايا كان في السنة كلها. ومش كل حد بيدفع الجزية. فقط الرجال القادرون على حمل السلاح. نساء ما بيدفعوش - 00:24:57

اطفال ما بيدفعوش شيوخ ما بيدفعوش كهنة ورجال دين ما بيدفعوش. ففضل مين يدفع وحيدفع كام يعني في المقابل بقى لو الشخص ده دخل اسلام حيدفع قد ايه في فروع مختلفة من الزكاة - 00:25:17

اديني عقلك وامشي حافي. يعني اعقل الكلمة قبل ما تقولها. قبل ما تفترى الفيريا وتلقي الشبهة. اعقلها الاول المسلم بيدفع اضعاف اضعاف ما يدفعه اهل الذمة. ده فيه انواع زكاة مفروضة على الغنم - 00:25:34

والفقير ايه يا جدعان! سبحانه الله مش قادرین هم يتتصوروا ليه الناس دخلت في دين الله افواجا؟ لأن ده انا هاكتب كدبة بشعة. رجال الدولة الاسلامية كانوا بيضعوا حد من الاقبال على الاسلام. ده مين اللي عمل كده في تاريخ المسلمين كلها؟ اللي هو همنعه ازاي يعني؟ هامسک لسانه انه - 00:25:54

ينطق اشهد ان لا الله الا الله وان محمد رسول الله. مش هطلع له شهادة اشهار اسلام. ايه ايه الكذب الفج ده؟ والكلام ده بيقوله واحد المفروض تخصصه دراسة اسلاميات. علوم اسلامية. تاريخ اسلامي حضارة اسلامية. بالشفا. هنا بيذكر ميزة لاهل - 00:26:20

ذمة الادارات المحلية لجماعات الذميين قائمة لم تمس. وهو في الكتاب ذكر ان دي من ضمن مميزات طريقة ادارة المسلمين للبلاد هم ما كانواش بيدمروا البنية الادارية للبلد بالكامل ويعيدوا بناءها من جديد. لأن خالص. بل ان - 00:26:40

أغلب نظام الدولة بيظل زي ما هو. تحت اشراف حكومة مركبة اسلامية بقى ولا اسميهما زي ما انت عايز. اللي هي ايه؟ مناصب الدولة العليا هنا بيقول المسلم له عطاء سنوي من بيت المال يسمح له بالترفرغ للجهاد او غيره. ايوة انت بتقول الكلام ده نقطة سلبية ولا نقطة ايجابية - 00:27:00

ولا ايه وضعك بالزبط؟ الفكرة ان هو زي ما بيقول في النقطة اللي بعدها حب الغنيمة كان يشكل الحافز الاكبر للجهاد. ده طبعا طعن في نوايا وذم المسلمين. وخليل بالك من الناحية الشرعية يجوز للمسلم انه يجمع اكتر من نية. لكن المفترض ان النية - 00:27:20

الاولى في سبيل الله. طيب ربنا احل لك في سبيل الله غنائم معينة. ايه المشكلة؟ انه يبقى من ضمن نيتتي انني اغتنم ما احله الله لي عند قتال الاعداء. ويبقى ده حافز في الجهاد. فكرة ان انت تخليه الحافز الاكبر - 00:27:40

التاريخ الاسلامي والنصوص الشرعية السنة النبوية الشريفة بتتأكد ان اولا الظروف ما كانتش في صالح المسلمين خالص بحيث ان احنا نتوقع انهم يكسروا لدرجة ان في منافقين كما ذكر القرآن الكريم قالوا - 00:28:00

ما وعدنا الله ورسوله الا غرورا. الظروف دي لا صعب خالص ان المسلمين يكسروا. طب انا ليه بقى اجاهد في سبيل الله؟ خلي بالك هو في الاخر بيقرأ التاريخ من الاخر. ما بيشوفش الدنيا كانت عاملة ازاي من اولها. لان زي ما قلنا قبل كده فكرة ان انت تظل تتلاشر سنة - 00:28:20

تحت ظلم وتعذيب ونکال الكفار. وربنا ما يفرضش عليك القتال. وانت تتقبل ده. لله عز وجل. لأن الموضوع بقى لا هو غنيمة ولا هو

حب انتقام ولا هو دي طاعة لله عز وجل. رقم خمسة السماء - 00:28:40

المميزة للتأثير الاسلامي بيقول النظم السياسية والاجتماعية لل المسلمين كان لها فضل في بناء اوروبا. الكلام ده في غاية الاهمية ان هو في الاخر بيقول ان الوجود الاسلامي في هذه البلاد لم يكن فقط وجودا عسكريا بحثا. اللي هو بمعنى احنا جلادين - 00:29:00
بنحمل السلاح ونريد سرقة خيرات هذه البلاد. لأ. ده احنا بنرفع من مستواها. وبنحسن من اقوالها وبنضيف اليها قيمة اولا ايمانية دينية عقائدية ثانيا مادية حضارية ينتفع بها كل البشرية. العرب كانوا يمثلون امبراطورية صاحبة اعظم حضارة وثقافة في تلك المنطقة الشاسعة - 00:29:20

من المحيط الاطلسي الى افغانستان. ده هو فيما بعد بيقول ان التصور الاوروبي في الوقت ده ان المسلمين بيحكموا وصول العالم. تلتين العالم. فيه تلت اوروبا ومش كلهم مسيحيين. التلتين الباقيين من العالم كله - 00:29:50

تحت الحكم الاسلامي. ده كان تصورهم. هو طبعا ده ما كانش صحيح. ده كان تصورهم. من كتر ما كانت الحضارة الاسلامية عظيمة مبهرة. شف هنا بقى بيقول لك ايه. وهذا في الحقيقة دليل على صدق نبوة سيدنا محمد صلى الله عليه وسلم. وصحة دين الاسلام. اتنا لن - 00:30:10

نجد شيئا لا يكاد العقل يصدقه. وبالتالي فهو امر يخلو باللب. كيف تحولت الحضارات القديمة في الشرق الاوسط الى حضارة اسلامية. بعد وفاة النبي محمد صلى الله عليه وسلم لم تكن الفتوحات العظيمة قد بدأت بعد. وكان العرب شعبا - 00:30:30
دائيا نسبيا. خل بالك النقطة دي هو كانه بيحاول يدنس السم في العسل. لكن الفكرة ايه؟ شف العرب قبل الاسلام كانوا ايه؟ وشوف عرب بعض الاسلام كانوا ايه؟ وليه كل هذه الحضارات العظيمة ما بين قوسين في الشرق الاوسط - 00:30:50
حضارة مصر حضارة العراق حضارة الشام ليه كل الحضارات العظيمة دي تبقى اسلامية النقطة هنا ايه؟ النقطة هنا هي الحضارات العظيمة دي شافت ايه في الاسلام عشان تتقبله؟ هي مش المفروض هذه الحضارات العظيمة دي ما تلقيش حاجة في الاسلام عليها القيمة ايه يعني اللي جه به الاسلام خلك - 00:31:08

كل الامم دي تدخل في دين الله افواجا. تبقى حضارات اسلامية. هي دي الفكرة. خل بالك بقى بعد كده بيقول ايه فتح العرب للعراق والشام ومصر ضموا الى دولتهم العديد من المراكز الثقافية العظيمة في الشرق الاوسط. وقد اعتنق الاسلام الكثيرون من - 00:31:38
حملت شعارات الحضارة الثلاثة. فبدأ بذلك اختمار ثقافي دامت لعدة قرون. هو عاوز يقول لك ايه؟ هو دا فضل والسبب في ان الحضارة الاسلامية أصبحت حضارة عظيمة. طبعا الكلام ده كذب. بنسبة كبيرة ويحتاج الى تفصيل. ايه الموضوع - 00:31:58
الموضوع هو زي ما قلنا لما ناقشنا كتاب التبعية الثقافية ان الاسلام بيمحص هذه الثقافات وهذه الحضارات. في حاجات بيبقى لها وفي حاجات بيرفضها. وبذلك تنضم هذه الحضارات والثقافات الى الاسلام وتحت شعارها - 00:32:18

وتحت مظلتها. والا البلاد دي كانت تابعة للمسيحية قبل الاسلام. ليه قبل الفتوحات الاسلامية؟ ما حصلش للحضارة المسيحية الرومانية نفس اللي حصل للحضارة الاسلامية. هو كانه عاوز يقول لك ايه؟ المسلمين استغلوا البلاد دي احسن مننا - 00:32:38
والبلاد دي هي السبب في ان الحضارة الاسلامية بقت عظيمة. ده كذب. لا شك ولا ريب. ان المسلمين اكيد استفادوا من الحضارات بتاعة البلاد اللي هم دخلوها. لكن الفضل اولا واخيرا للديانة الاسلامية. للشريعة الاسلامية. للنصوص - 00:32:58

شرعية في القرآن والسنة هي اللي بتحث المسلم اولا واخيرا على طلب العلم وعلى انه يستفيد من الناس من الناحية الدينية وكل ده بيتف历ر بفلتر الاسلام. ينفع ولا ما ينفعش؟ والا كانت المسيحية اللي حاكمة هذه البلاد - 00:33:18
قبلينا كانت قدرت تعمل اللي احنا عملناه. شف هنا بقى بيقول ايه؟ كذب بواح. العرب البدو الاقحاح. كانوا يؤمنون بانهم اسمى من كافة البشر. وقد نسب جانب كبير من هذا الاعتزاز بالنفس الى الاسلام. الذي يرى فيه المسلمين ارفع - 00:33:38

اتقى صور عبادة الله. ترجع مرة تانية تستغرب ان الكلام ده يقوله عالم متخصص في الاسلاميات. والعلوم الشرعية الاسلامية والحضارة الاسلامية والتاريخ الاسلامي. فكرة ان العرب دول اسمى من كافة البشر. التصور ده ممكن يكون موجود عند العرب قبل الاسلام - 00:33:58

لكن الاسلام هدم ده تماما. والدليل على كده انك تجد مكونات اصيلة من عصر الصحابة وزادت مع الفتوحات الاسلامية اكتر من كده بكثير. مكونات غير عربية من كل انحاء العالم. وتعليم الاسلام واضحة في النقطة - 00:34:18

دي لا فرق على عربية على اعجمي ولا ابيض ولا اسود ولا احمر الا بالتقوى. وان كلنا من ادم وادم من تراب وغيرها. طيب فكرة بقى الاسلام اللي علم ان المسلمين عندهم ارفع وانقى صور عبادة الله. ده تصور باطل. احنا بنقول ان - 00:34:38

الاسلام هو دين الله الحق. وان الله عز وجل لا يقبل من الناس الا الاسلام. ومن يتبع غير الاسلام ديننا فلن يقبل منه وهو في الآخرة من الخاسرين. بيقى ما فيش فكرة ان والله صور عبادة الله عندك يعني شغالة. بس احنا عندنا احسن. لا - 00:34:58

وخليل بالك المسلم مدرك تماما ان هذا فضل من الله يؤتى به من يشاء. وليس متعلقا بجنس او نوع من البشر لأن اي حد ممكن بيقى مسلم نحن قوم اعزنا الله بالاسلام قولوا واحدا. فان ابتفينا العزة بغيره اذلنا الله. طيب - 00:35:18

بيقى انت بقى عايز تبقى عزيز زينا ما تبقى مسلم زينا ايه اللي مانعك؟ هنيجي تقول لك والله ده انت من اصول مش عارف ايه مش هنقبالك ده باطل الصحابة كان فيهم من كل شكل ولوون. ومع الفتوحات الاسلامية المسلمين كان فيهم من كل شكل ولوون. ولغاية

النهاية - 00:35:38

مسلمين فيهم من كل شكل ولوون. لكن هو هنا بيلفت الانظار الى نقطة هامة. المسلمين كانوا يعتقدون ذلك بخلاص وفي هدوء ثقة رصينة بالذات وكأنها هو امر بديهي مسلم به. فكرة ايه؟ ان انا مسلم والحمد لله على نعمة الاسلام وكفى بها نعم. غيري - 00:35:58

مش مسلم. انا اتمنى له الخير واسعى ان ادعوه للإسلام. وادعو الله عز وجل انه يقبل اسلامه. وبيقى اخي في الله انا المؤمنون اخوة. فاي حد ممكن بيقى مسلم فيعزه الله عز وجل. لأن العزة لله ولرسوله وللمؤمنين - 00:36:18

وفي برضو فكرة في غاية الالهمة. وهو لمح للنقطة دي في الكتاب. المسلمين اثروا كثيرا في الغرب المسيحي. طب الغرب المسيحي في المسلمين ازاي؟ ولا حاجة. المسلمين الحقيقيين عمرهم ما حسوا انهم محتاجين حاجة من برة. ده - 00:36:38

المسلم الحقيقي لأن المسلم عنده اهم ما يمكن ان يحتاج اليه الانسان. وهو الایمان والعقيدة والدين الصحيح ما دام انا عندي ده خلاص انت مهما كان عندك لا يمكن هيكون اغلى من اللي عندي - 00:36:58

فانا لما ادعوك للإسلام انا اقدم لك اغلى ما يمكن ان يقدمه انسان لآخر. التصور ده بيبني في عزة وقوة ورصانة لأن المسلم دائماً مؤمن بان الآخرة خير وابقى. وخليل بالك - 00:37:17

طوال التاريخ الاسلامي الا مؤخرا. عمر ما كانت اي حضارة اعظم من الحضارة الاسلامية. او ارقى من الحضارة الاسلامية. او واكثر تقدماً من الحضارة الاسلامية. دي عمرها ما حصلت وبالتالي سبحانه الله الناس اللي دلوقتي مبهورة بالغرب ده كان حال الغرب زمان. لما التقى الغرب بال المسلمين. الغرب - 00:37:38

انبهروا بال المسلمين في كل حاجة. سواء مادياً حضارياً ثقافياً او حتى ايمانياً دينياً عقائدياً ايه الناس دي اللي عندها ثقة رهيبة في دينها؟ ايه الناس دي اللي مش بيشكوا ابداً انهم اللي على الحق - 00:38:02

سبحان الله العظيم. هنا بيفترى على المسلمين ويبيقول المسلمين كانوا ينتحلون حكمة الشعوب الاجنبية دون ان ينسبوها اليهم. ويعتبرونها مستقامة مصادر عربية. خلي بالك هو في هذا الكتاب كثيراً ما يفترى وهو لا يأتي على اي دليل على الفري. يعني ادينا مثال لا ما فيش - 00:38:20

دليل لا ما فيش. هو كأنه في الاخر يريد ان يبرر مدى عظمة الحضارة الاسلامية بتشويه. ان دول حرامية الحضارات الاجنبية. هنا بيقول التقىء من العرب يناقشون مسألة تطبيق الاحكام القرآنية على المشكلات المعاصرة. وتحديد امكان الاستفادة من سنة النبي - 00:38:40

محمد صلى الله عليه وسلم لحل هذه المشكلات. طيب ده ما كانش باب من ابواب الحضارة الاسلامية والتقىء الاسلامي؟ اكيد. نتيجة هذه المناقشات التي كانت تدور في المساجد كتب جلبلة في الشريعة الاسلامية والفقه. كوييس. اعتبرت الروايات الخاصة بحاديـث النبي وافعالـه او سـنة - 00:39:00

رسول صلى الله عليه وسلم معياراً ملزماً وبدلوا في جمعها ونقلها جهداً وحرضاً بالغين التهديدات دي في غاية الالهمة. اضحي دراسة الحديث أحد فروع المعرفة الرئيسية في التعليم الاسلامي العالي. خلي بالك ده وصفه هو. وارتبطت بها - 00:39:20

علوم ثانوية متنوعة مثل علم الرجال او دراسة سير المحدثين من نقلة تلك الروايات ومثل دراسة النبوى للقرآن في الاسلام مكانة تفوق مكانة الكتاب المقدس في المسيحية. والله العظيم التصريحات دي ممتازة. وانا مش - 00:39:40

يعلق كثير كل المسلمين تقريباً يحفظون عدداً من سور القرآن وآياته عن ظهر قلب لضرورة تلاوة بعضها في الصلوات اليومية الاهتمام بالقرآن ادى الى دراسة ادق للنحو العربي ولصناعة تأليف المعاجم لكي يتحققوا من المعانى الاصلية - 00:40:00

الكلمات. قاموا بجمع الشعر العربي الجاهلي. تم تأسيس مؤسسات شبيهة بالجامعات في معظم المدن الاسلامية. مضى الف على بدء التعليم بالازهر في القاهرة وهو مسجد وجامعة في ان واحد على نحو متصل لم ينقطع منذ تأسيسه. كل ما سبق ده - 00:40:20

نقدر نحطه تحت عنوان ازاي الاسلام نفسه ادى الى تكوين هذه الحضارة العظيمة. بدأ يتكلم بقى عن نقطة ايه الكتب الى العربية وان دى من وجهة نظره من اهم اسباب تقدم الحضارة الاسلامية. الفكرة هي ان النقاط اللي - 00:40:40

هو بيذكرها دي ما كانت متاحة لكل الحضارات اللي جت قبل الاسلام. ليه ما عملوش زي ما المسلمين عملوا؟ ليه ما وصلوش لل المسلمين وصلوا اليه. خل بالك الفلتر الاسلامي ده في غاية الالهمة. المسلم الذي معه الحق الذي معه النور. القرآن والسنة. بيبقى - 00:41:00

معك كشاف ينور له الطريق وهو ماشي في وسط الثقافات والحضارات الأخرى. فيقدر يعرف بهذا النور والكشف ايه اللي هينفعه وايه اللي هيضره؟ وهو ده اللي ادى الى تقدم الحضارة الاسلامية. احنا مش ماشين كده عمياني زي ما - 00:41:24

بيقولوا كده ماشي في نور الله. هنا بيقول شبهة منتشرة جداً عند الغرب. ان علماء المسلمين الجهابذة اللي ساهموا في التقدم والحضارة والرقي دول كانوا مسلمين اسماً فقط. حيث كان ينظر اليهم عادة باعتبارهم من الزنادقة - 00:41:44

ده كذب والكلام ده مردود عليه من اوجه كثيرة جداً. اهمها ان هو نفسه هيذكر عدد كبير جداً من المسلمين. اللي ساهموا في صنعت هذه الحضارة ما كانواش زنادقة. هو بيذكر على سبيل المثال ابن سينا والفارابي. والاثنين دول كان معروف عنهم ان هم - 00:42:04

تأثروا تأثراً شديداً بالافلاطونية اليونانية الوثنية. فقالوا كلاماً هو بالنسبة قالوا الكلام ده يتحط تحت باب الفلسفة. وهذا الكلام في حقيقته كفر في ميزان الشريعة الاسلامية. فهم اعتبروا زنادقة - 00:42:24

من هذا الوجه لكلامهم في الالهيات وكلامهم الفلسفي المعارض للعقيدة الاسلامية. مش علشان هم ساهموا في التقدم العلمي والحضاري والتقني. ثم نقطة في غاية الالهمة. هؤلاء العلماء حتى لو كان لهم حكم عقائدي من منظور عقيدة - 00:42:44

اهل السنة والجماعة. الا انهم نتاج الحضارة والثقافة الاسلامية. الاسلام هو اللي في الاول والآخر حرضه وحضرهم على العلم وطلب العلم والتأمل والتدبر وهكذا. كون ان هم بقى ضلوا الطريق - 00:43:04

دي مش مشكلة. وهؤلاء في النهاية قلة. هنا بيقول طلاب العلم كانوا يسافرون مسافات بعيدة من اجل الاتصال بمشاهير العلماء والاستماع منه. هذه البيئة العلمية اللي كانت موجودة في كل الاراضي الاسلامية. ده كان بيحضر عليه الاسلام - 00:43:23

العلم فريضة على كل مسلم وعلى رأس العلم اللي المفروض كل مسلم يطلب العلم الشرعي. لأن الاسلام بيعلم العالم ان اشرف العلوم هي المتعلقة بالله عز وجل. ومعرفة الله عز وجل. ولا نستبدل ابداً الذي هو ادنى من - 00:43:43

يوم الدنيا بالذى هو خير من العلوم الشرعية الدينية. الكتب المهمة كانت تنقل الى اسبانيا. ساهم العلماء والكتاب في اسبانيا مساهمة جليلة في اثراء الادب والعلم العربين. تحت عنوان التواجد الاسلامي في اوروبا وردود فعل الاوروبيين. بيقول الحروب - 00:44:03

الصلبيبة في ختام القرن الحادى عشر كان رد فعل نشط لمواجهة الاسلام. النقطة دي باللون الاحمر ليه؟ اللي هو الجانب السلبي ودي نقطة في غاية الالهمة. الغرب اتخد الاسلام وال المسلمين اعداء. ليه يا جماعة؟ احنا قدمنا لكم كل خير. واول خير عرفتوه - 00:44:23

مننا الدين والایمان والعقيدة. ثم قدمنا لكم التقدم العلمي والحضاري والتقني وهكذا. هو كأن الفكرة ايه القيم الاسلامية الكبرى التي تحدد لنا كيف ينبغي ان نعيش مش عجبانا. فلذلك نحن نحارب الاسلام والمسلمين - 00:44:43

ولان نريد ان ننسب لهم اي فضل لان اي فضل في النهاية بيرجع للإسلام نفسه. واحنا مش عايزين النقطة دي جوهرية. اي فضل

ال المسلمين كانوا فيه يرجع للإسلام نفسه. والغرب لا يريد ان يعترف بهذا - 00:45:03

الإسلام هو اللي خلى المسلمين عظماء. الإسلام هو اللي خلى المسلمين متوفقين الإسلام هو اللي خلى المسلمين يصنعوا حضارة إسلامية. الفصل الثاني التجارة والتكنولوجيا. رقم واحد - 00:45:23

التجارة في القطر الإسلامي. هو في هذا الفصل كانه عاوز يقول لك الإسلام اصلا دين تجارة. وده برضو من ابطل باطل. الفكرة كلها ان التجارة جزء رئيسي واساسي جدا من حياة الإنسان. فالإسلام اولى التجارة اهتمام كبير جدا فيما يخص النصوص الشرعية - 00:45:43

متعلقة بها. لكن هو كانه عاوز يقول لك هو اهم حاجة عند المسلمين التجارة. هم تجار بتوع فلوس وبتوع دنيا وبتوع غنية. والكلام ده باطل هنا بيقول تبني الأوروبيون الغربيون الكبير من مظاهر الحضارة الإسلامية. التجارة ساهمت في انتشار الحضارة الإسلامية. بدل ما يقول نشاط - 00:46:03

مسلمين التجاري ساهم في انتشار الإسلام والاسلام هو اللي كون الحضارة الإسلامية بيتلعب بالالفاظ. الدين الإسلامي كان في صالح التجارة. لا دين صحراء او دين ريف. الإسلام يغفل النشاط الزراعي ويثبته - 00:46:23

تخيل وده كلام من عالم اسلاميات علوم شرعية إسلامية. الإسلام في صالح التجارة. لا زراعة ولا اي حاجة تانية. لا وايه الإسلام يغفل النشاط الزراعي ويسبته الإسلام في رواية في غاية العظمة. النبي صلى الله عليه وسلم بيقول فيما معناه لو القيامة قامت - 00:46:43

وفي يد احلكم فسيلة فليغرسها. النصوص الشرعية المتعلقة بالزراعة والمحافزة على الزرع والشجر والكلام ده كله نصوص شرعية كثيرة جدا. حقوق النبات حقوق الحيوان. نصوص شرعية كثيرة جدا. الله المستعان. المشكلة ان هو - 00:47:06

وفيما بعد هيكلتكم عن مساهمات الحضارة الإسلامية فيما يخص الزراعة وعلم النبات. طب انت ليه بتناق卜 نفسك يعني انت كنت تحت تهديد السلاح وانت بتقول الكلام ده. لازم تشوه المسلمين باي طريقة. هنا بيقول الناس في شرق افريقيا وغربيها وجنوب شرق آسيا اعتنقووا الإسلام - 00:47:26

نتيجة للنشاط التجاري الإسلامي. الكلام ده مهم جدا. دول كبيرة جدا وضخمة. مساحات شاسعة من الارض اصحابها دخلوا الإسلام ليس عن طريق الغزو. وليس عن طريق الفتوحات الإسلامية. ولا بعد حرب. وانما - 00:47:46

نتيجة لنشاط التجارة الإسلامي. ودي برضو عبارة باطلة. اصل خلي بالك الانسان لما يتعلم ازاي يتكلم كويسي بيقى فاهم الفرق في الكلام بيؤدي الى اختلاف المعنى ازاي ؟ هم الناس اعتنقووا الإسلام نتيجة لنشاط التجارة الإسلامي ؟ ولا نتيجة - 00:48:06

لماعاشرة ومخالطة التجار المسلمين. وشافوا فيهم اخلاقهم وعقائدهم وامانتهم اخلاص المسلمين وايمانهم الرصين الهدى بفضل الاسلام على سائر الاديان. اثر في نفوس الوثنيين الذين تعاملوا مع المسلمين في التجارة. مش بس الوثنيين. اي - 00:48:26

يحد اتعامل مع المسلمين. النقطة دي اغلب البشرية غير المسلمة تتعجب منها. ليه ؟ لأن واقعه غير واقعي اقعنا وما يعرفه غير ما نعرفه. احنا معارفنا فيها اليقين والحق المبين اما معارف علوم الامم الاخرى فدایما بيساورهم فيها شك - 00:48:51

وريث وعدم يقين. وبالتالي بيستغربوا اوبي ايده انت ايه اليقين اللي عندكم ده ! جايبيين اليقين والثقة دي كلها من الإسلام هنا بيقول العالم الإسلامي باسره كان منطقة تجارة حرة موحدة. وهو ده الإسلام باختصار. الإسلام - 00:49:16

بيوحد البشرية كلها تعبد الله واحد تحتكم للشرعية واحدة. امر عظيم جدا جدا. كل الاراضي الإسلامية ارض واحدة تقدر تمشي فيها زي ما انت عايز تتعامل مع اي حد فيها زي ما انت عايز. خلي بالك الغرب ادرك الحقيقة دي. ان الإسلام بيوحد الارض دي كلها - 00:49:36

طول ما هم متواحدين احنا مش هنقدر نقف امامهم. زي ما قلنا التواجد الإسلامي في اسبانيا وصقلية كان تواجدا طريا وليس مجرد تواجد عسكري وسياسي. وقطعا ولا شك كان فيه جيش. لكن المسلمين - 00:50:00

طيروا البلاد دي وحسنوا من احوالها حضاريا. وثقافيا وعلميا. والغرب لمس ده تحت عنوان الخبرات الفنية المتصلة بالملاحة البحرية.

المؤلف بيقول ان دي من اهم اوجه استفادة الغرب من المسلمين ان المسلمين خبراتهم بالسفن والمالحة كان اعلى بكثير منهم. وان الغرب استفاد من هذه - 00:50:20

خبرات وطورها ونقطة ان الغرب يستفيد من المسلمين حاجة. وبعد كده يطورها وفي نقطة تاريخية معينة ما نفضلشي نتطور وننتكس وننحط وبعدين ننسى بقى التاريخ ان احنا اصلا الفضل في انكم تعرفوا الكلام ده اصلا. فنرجع ناخذ منكم الحاجة بعد ما - 00:50:50

انت اتعلمتوها مننا وطورتها وننسى ماضينا ونبهر بتقدمكم وتطوركم ده امر في غاية العجب. شهد المحيط الهندي اختراع السفينة ذات الشراع مثلث الشكل. العرب هم اول من جلبوا الى البحر المتوسط السفن الشراعية السريعة القادرة على الابحار - 00:51:17 اتجاه الريح. الاوروبيون قاموا بتطوير هذه السفن حتى اصبحت قادرة على القيام برحلات الاستكشاف العظيمة. تخيل! لولا المسلمين ما كانواش قدروا يصلوا لهذا المستوى. رحلات الاستكشاف دي اكتشاف الامريكتين. هنا بيقول قد يكون الفضل في المراحل الاولى - 00:51:37

من اختراع البوصلة. راجعا الى العرب. في حين كان للاوروبيين قطعا في المراحل التالية فضل في ادخال التحسينات عليها على البوصلة يعني. هو عمال يقول لك ايه يا ترى المسلمين هم اللي بدأوا ولا احنا طورنا بعدهم ولا احنا اللي آه هو في الاخر يعني - 00:51:57

بيميل للرأي ده ان المسلمين اولا واحنا طورنا بعديهم. النقطة دي بتتكرر كتير. المسلمين اولا احنا اتعلمنا منهم طورنا بعديهم. الخرائط البحرية استقاها من الفن الاسلامي لرسم الخرائط الموضوع ده زي ما قلت فضيحة لو جيت تشوف خرائط - 00:52:17 الغرب حاول يرسمها للعالم اقل ما يقال انها مسخرة. تيجي بقى تشوف خرائط المسلمين رسموها ايه ده؟ تقدم عظيم ادا بهذا العلم الجغرافيا ورسم الخرائط. الملمح ده بقى مهم. اقتباس لغات اوروبية لكلمات عربية في هذا - 00:52:39

ميدان اي ميدان عايز تعرف المسلمين لهم فضل فيه ولا لأ؟ ستجد ان الكلمات المستخدمة في هذا الميدان لها اصل عربي مقتبسة من العرب. وهو في هذا الكتاب ضرب امثلة كثيرة جدا. العرب كانوا اصحاب الفضل في - 00:52:59

تسع معارف الاوروبيين الجغرافية وفي اتسام هذه المعرف بقدر اكبر من الدقة. العالم العربي الادريسي قام كتابة وصف كامل للعالم المعروف وقتئذ للمسلمين. تحت عنوان المحاصيل الزراعية والمعادن. بيقول ايه؟ من المأثور - 00:53:19 انكر على العرب اي فضل في ميدان التقدم الزراعي. ليه يعني؟ وبعدين انت بتتعجب الكلام ده ولا بتتأيده؟ ما انت لسه قايل من شوية الاسلام صبت الزراعة. شف بقى هنا بيقول لك ايه. عكس الادعاء اللي هو ادعاه في الاول. كانت هناك زراعة وافرة في معظم - 00:53:39

الاقطار الاسلامية الصالحة للزراعة. العرب رفعوا من مستوى الزراعة في اسبانيا. العرب حسنو نظم الري. وتوسعوا فيه على اساس خبرتهم في المشرق الخاصة بوسائل حزن المياه وتوزيعها. مرة تانية الدليل على ان المسلمين كان لهم فضل - 00:53:59 ان الكلمات المتعلقة بالمجال مشتقة من العربية. شكل السوافي المستخدمة حتى اليوم في اسبانيا هي تلك المعروفة في الشرق الاوسط ادخل العرب زراعة نباتات جديدة تستلزم ريا وافرا زادت العناية باستغلال الثروة المعدنية باسبانيا. تحت عنوان - 00:54:19 فنون الحياة الرغدة. النقطة دي في غاية الاهمية. لأن ممكن واقع حياتنا المعاصرة تخلی الانسان لا يتخييل ان للدرجة المسلمين قدinya كانوا متفوقين جدا. ماديا وحضاريا وتقنيا على الغرب. ممكن واحد يتخييل - 00:54:39

ان معارف المسلمين كانت معارف اساسية بدائية غايبة عن الغرب. اما بقى الحياة الراغدة والرفاهية الغرب بقى هم اللي طوروها الدنيا وخدنا منهم كل الكلام ده الواقع لأ. الحياة الرغدة كانت عند المسلمين - 00:54:59

والجميل في الموضوع زي ما بيقول ان الطبقات الافقر كان لها نصيب في الاستمتاع بقطايب العيش في اسبانيا اسلامي الله يعني النظام اللي الاسلام كان بيحكم به اسبانيا. خلى فيه رقي ورفاهية وراغد - 00:55:19 في العيش حتى الفقراء كانوا بيتمتعوا به. عايز انت ايه اكتر من كده؟ نشأة صناعات لانتاج السلع الكمالية للسوق المحلية او التصدير.

سلع كمالية انتاج المنسوجات الفخمة من الصوفي والكتان والحرير. صناعة الخزف على درجة - 00:55:39

عظيمة من الرقي. الكلام ده المسلمين هم اللي عملوه. والغرب وجدوا عند المسلمين في الاندلس اكتشف في قرطبة سر صناعة الكريستال. العمال المهرة في صناعة الادوات الدقيقة من الحديد العرب كان لهم الفضل الرئيسي في الكثير من التحسينات والتهذيبات التي ادخلت على اساليب البناء الفن المعماري الاسلامي - 00:55:59

في اسبانيا في الاندلس الله المستعان. حاجة في غاية الجمال. طبعا كالعادة في مجال البناء كلمات مأخوذة من اللغة العربية موجودة في اللغة الاسبانية. بيتكلم عن النقطة دي ان الاندلس كان فيها موسيقى وكان فيها غناء وكان فيها دف لأنها برضه نقطة - 00:56:28

ايحابية يعني ما علينا. الاهتمام بالكتب. العرب اخذوا صناعة الورق من الصينيين واسسوا اول مصنع للورق في بغداد في زمن هارون الرشيد بيقول باقي بعض الحجاج من فرنسا حملوا قطعا من الورق اللي هو فيما معناه جم عند المسلمين ايه ده - 00:56:48

يا سبحان الله! ايه الحاجات العجيبة اللي عندكم دي! رجعوا بها لبلادهم باعتبارها من العجائب. في المقابل مصانع الورق لم تؤسس في ايطاليا والمانيا حتى القرن الرابع عشر. شف بقى النقطة دي كلمات من اصل عربي تتعلق بالادارة المحلية - 00:57:08

وتتنظيم النشاط التجاري. ايضا كلمات خاصة بالموازين والاطوال. عشان تعرف مدى التأثير الاسلامي. كان عميق قد ايه تحت عنوان امتزاج الثقافات في اسبانيا في العصر الاسلامي بيقول ايه؟ امتزاج الثقافات - 00:57:28

يبقول كدليل على ان الحضارة الاسلامية واللغة العربية كانت هي لغة العلم والعلماء الشكوى من ان شباب الطائفة المسيحية يجتذبهم الشعر العربي لدرجة انهم اغفلوا دراسة اللغة اللاتينية واقبلوا على دراسة العربية. وبيسير اكتر - 00:57:45

من مرة الى تحسن اوضاع اليهود بعد الفتح العربي. النقطة دي في غاية الاهمية. وهو فيما بعد بيضرب امثلة ببعض اكابر علماء اليهود اللي عاشوا تحت الحكم الاسلامي وابدعوا ايهما ابداع. وده دليل ان المسلمين ما بيكرهوش اليهود - 00:58:05

لمجرد انهم يهود. لكن المسلمين بيكرهوا اليهود بسبب اعمال اليهود ضد المسلمين. خصوصا في ظل احتلال الكيان الصهيوني.

انتشار الثقافة الاسلامية في اوروبا. بيكقول اسهام العرب في حضارة اوروبا الغربية كان بصفة اساسية - 00:58:25

في مجال كماليات الحياة والارتقاء بقاعدتها المادية. معظم الاوروبيون كانوا قليلا الادراك للاصل العربي والاسلامي للمظاهر التي تبنيوها. سبحان الله! العكس! دلوقتي معظم المسلمين ما عندهمش ادراك ان حاجات كتيرة هم - 00:58:45

الاهمية. ان انت تاخد من المسلمين الاصول وتشوف عند المسلمين الابداع. وتبتدي انت كمان تتعلم - 00:59:05

ابداع منهم والله العظيم ده امر خطير. تتعلم الابداع من المسلمين. فتبتدي انت كمان تطور وتبدع قاعدين يجور علينا الزمن بسبب بعدها عن دينا ونسى ان احنا اللي علمنا اوروبا الابداع - 00:59:25

تطور. انا هكتفي عند هذا القدر في هذا الفيديو. ونكملي باقي الفصول الاخري باذن الله عز وجل في فيديو قادم قريبا جدا باذن الله عز وجل. لو حاز هذا الفيديو على - 00:59:45

اعجابك ما تنساش تعمل لايك للفيديو لان ده بيساهم في انتشار محتوى القناة. وما تنساش مشاركة الفيديو مع اصحابك. وما تنساش الاشتراك في القناة وتفعيل الجرس علشان تقدر تتبع كل - 00:59:55

ولو تقدر تدعم وترعى محتوى القناة لو انت شايف ان هذا المحتوى يستحق الدعم والرعاية تقوم بزيارة صفحتنا على بتريان او ببلا

وحتى قنبلة سبل القناة ستجد اللينكات كلها تحت في وصف الفيديو. الى ان نلتقي في فيديو اخر قريبا جدا باذن الله عز وجل لا تنسوني من صالح دعائكم. والسلام عليكم ورحمة الله وبركاته - 01:00:05

- 01:00:25 -